

րակոսի զայս լուր աղետալի, առաքեաց զովանս 'ի միա-
բանաց և ետ ածել զբեռինս նորա յերուսաղէմ: Յաւուրս
Կիրակոսի նորոգեցաւ եւ ծեփեցաւ եկեղեցին Յովհաննու
Աւետարանչի՝ 'ի գաւիթ Տաճարին Ս. Յարութեան, զորոյ
պատկերազարդ մարմարիոն քարինս արար յիշատակ Պու-
լանիսցի Թաղէոս վարդապետ: Սովորութիւն է միաբանու-
թեան Ս. Աթոռոյն երուսաղէմի, յետ կատարելոյ զտօն
Ս. Պատեքին 'ի Տաճարին Ս. Յարութեան, յաւուրն երկ-
րորդի առնել հանդէս նաեւ 'ի Տաճարի Ս. Յակոբայ, օրհ-
նել զտէրունական ուխտաւորս, եւ մաղթել նոցա բարի
ճանապարհ, և 'ի նմին աւուրն Պատարագիչն լինի նոյն իսկ
Գահակալ Ս. Աթոռոյն, և զկնի Պատարագին Թափօր մե-
ծահանդէս 'ի մօտիւթարութիւն ժողովրդոց: Եւ 'ի սմին ամի
յետ կատարելոյ Կիրակոս Պատրիարքի զփրկարար խոր-
հուրդն և զհանդէս Թափօրին և մեկնելոյ ժողովրդոց յիւ-
րաքանչիւր տեղիս, և ահա յերիւր ժամու աւուրն ճառա-
գայթեցաւ Լոյս պայծառ 'ի մատրանէ Ս. Գլխադրի Ս. Յա-
կոբայ և անտի տարածեցաւ 'ի բոլանդակ եկեղեցին, եւ
սկսան լուցանիլ շիջեալ կանթեղքն, լուեալ զայս բազմու-
թեան ուխտաւորաց գիմեցին յեկեղեցին, և բազումք եւս
դարձան յետո 'ի ճանապարհէ. եկին նաեւ յայլազգեաց
և յօտարաց և խոնեցաւ բազմութիւն մեծ, և սքանչանա-
լին 'ի տեսիլ ահաւոր նշանին, և Կիրակոս Պատրիարք ընդ-
որ և միաբանք Աթոռոյն երկուցեալ 'ի բազմութենէ ետուն
փակել զդրունս եկեղեցոյն, զի մի գուցէ վնաս ինչ պա-
տահեսցի, սակայն լուցան նաեւ լապտերքն որք էին 'ի
գաւթի անդ, և այսպէս տեւեալ սքանչելիքն ժամս իբր
երեք, և հանդիսականք փառս տուեալ Աստուծոյ դարձան
ուրախութեամբ 'ի տեղիս իւրեանց, ('ի 12 Ապրիլի • 1848) •
Կիրակոս Պատրիարք յատուկ կոնդակաւ հրատարակեաց
զհրաչալի պատահումն 'ի հայարնակ գաւառս և 'ի քաղաքս:
Յաւուրս սորա Լատինք քակեցին զորմս Դառասնից
Այրին 'ի Բեթղեհէմ, զոր ինքեանք կոչեն Ա-Մ-Է Այր, և
կամէին միայնակ շինել զայն եւ սեփհականել ինքեանց.
Իսկ Պատրիարքունք Հայոց եւ Յունաց բողոք բարձին 'ի
Դուռն և առ Կոստակալն Ասորեաց, թէ՛ Այրն է ուխտա-
տեղի երկից ազգաց, և ուխտաւորք նոցին ոչ պակասին